

徐 蜀 / 編

國家圖書館藏
古籍藝術類編

北京圖書館出版社


徐蜀／編

國家圖書館藏

古籍藝術類編

34

北京圖書館出版社



清・陸心源撰

清光緒刻本

穰梨館過眼錄
(二)

穰梨館過眼錄卷七

歸安陸心源伯剛甫編

馮子振書居庸關賦卷

紙本八接高一尺五寸五分
分長二丈八尺六寸四分

式古堂

朱文

楊

朱文

太史氏

朱文

漢清白

朱文

東臯

朱文

居仁白文

查榮白文

竹南

朱文

安

朱文

儀周

白文

式古堂

朱文

書畫

思義

私印

嘉興新豐鄉人

朱文

唐翰題攷藏印

鑑定

朱文

淮南劉安著

天下之塞九其一

居庸居其

間向吾之未始至也

意其巉絕萬仞噫嘻

劍閣之不可攀至元庚寅吾以一僮二馬儼然棄乾流水之徑

可攀至元庚寅吾以一僮二馬儼然棄乾流水之徑

透迤而從之首駸其彪腹爛其斑山夔貳口地媼匿
奸菴屠麻於罪崦橋略約於清潺拙窈窕於翠摺工
寂寥於綠灣嵐剽暉於願慳淙遺響於方珊蠅錫鍾
而冶釜劣號玦而瓏環層稜類于椎魯盤阻誑於疎
頑中分一宿春之紛紜已絕半九十之荒閑曰此居
庸之闕也耶牽率而往從容而還幾微之面曾無十
步九折之歎夫何有古今之至險道里之至轄也哉
十載庚子羸驂重來秀萼蔚其初莢榮木飾其新栽
夏將半而謝豹方欸春已盡而野櫻未開香兜熏百
和於旣老蔬蕨薦一拳於若孩辛丑之歲商羊爲災

明年一再過之驚猛伐址蜿蜒塔堞欹沙潰爲沸壑
芳草卒爲汙萊疾駟寢埃傳車怒雷燄犖而不樵
暈崢嶸而不摧擣嗽嶮之毀巢批嵒嶧之魁白砭梁
萋其株尋欄楯拔其根培餘波漸溢其春撞諸峯彌
厲其崔嵬軼欲前而卻後胸不跌其如推然後知古
今之至險道里之至轄劉安所爲九塞之一塞者豈
虛言也哉於是吾生四十六年矣面加皺鬢加白臍
始噬腕始扼膚焦然而欲槁筋倦矣而猶客始憶吾
前者十三年之悵狂懜惑如醉者之乘車幸而不墮
於一落千丈之不可測也且自居庸之北而之平上

京也黑谷倚左關之脅紅山踰側嶺之肩俱通白玉
之京曾遇赤城之仙鵬窩臨岐而危罅龍門峻壁而
穹懸室披無數之錦萱陸染無雙之金蓮漢臺蹲其
磊魄秦塞斗其延緣故其知章亥之步者以爲開平
高於析津之境者四十里是山居然屹立于山後神
州只尺之天罄朔漠而悉臣互太陰而爲根林靈泉
蟄萬古之冰急漲洗百川之渾大瀛移北溟之鯢太
液浴西池之龍御天峙朱雀之門睿思闢絳闥之閣
金閣聳華蓋之壺鐵竿豎祗園之幡乾岡龍偃蹇而
首臥艮麓駿騰驤而足奔帷宮啓而元武北戶次舍

拱而紫微內垣烟非烟而松鱗之冷韻蛟滃霧非霧
而椒翼之澹芬鳳騫官溝暗分涼亭不暄柳細於條
草遲而繁偏嶺之陰燭羞晨暎厚貂六月而喚單虛
籟孤吹而厭喧廩弗待秋暑何能祥時則多雨少霽
有溪无痕走澗石於不轉之流埋驛亭於無家之村
忽平陸之成江幾高邱之撤樊比歲北轅駭機難論
旭日正中丹青可捫遽猛飈之簸蕩愕巨電之飛掀
螻癡齧鄰之健騶蜩縮挾軛之快健老兵仰袴而囊
土使客頂鞍而失韉俄而搏擊暫置夕陽在藩吾詢
之旅進之夫勞我以麴沽之樽謂何從而驚詫而服

惟於狙援曩灰心於納屨屨翦紙而招魂自疑道路
之遭逢非有宰物之怨恩迺間歲而一值漸不知其
頻煩茲其家常之匕筋兀異几案之羔豚吾思其說
而未有得則中宵以起而喟然曰不虞之變倉猝之
怪其摧剛拉勁如前史所志大如杯圈者果其若是
吾安能數乘此險以競車仆馬斃之云云乎是歲之
冬絮其狐貍雪壓天低雲沈地翻幻林增誤月之苑
遙炬築疑烽之屯千里塞關而欲冥四面捲席而同
昏支頤之頰乍矜於朝磧褫手之指垂墮於盤殮稍
迫可汗之州始溫病鶴之軒驟楚綿之輕襲卸燕

翠之濃寒版泉吊其伏虬涿鹿睨其翔鸞蚩尤之城
毒螫故蟠山川猶元女之氣金碧尙黃皇之丹其陽
則上谷之郡堞苔寢漫縉雲之都岌其巔屹其上錐
鑿栖之崑巒宛曲崎嶇次第刻剜盡當時伯禹之治
水大概自冀州而發端故是間導濬之迹在咸想見
胼胝之力殫沉復枯螺湓蟀之殼軀嘗九潦稽天之
酷瀾堆灘磧而出沒雜蘼蕪而息蕃怛衆壠之塵揚
遂芝田之夢闌淫流涸八柱尊狡蟲死生人完信魚
頭之戢戢拊河洛而悲歎橐神化於悠長役鬼工於
不刊近則鷄鳴之山叢祠薜顏憤娣摩笄紅啼碧殷

慟厨人之銅斗弱酣代於衰孱婚媾作於仇讎歡吹
激而哀彈側爲榆林旁卽瀉納雖重瞳斗口之側微
更娥皇女英之卓異彼饗饗之不才何商均之亦類
果賢否之皆天而聖愚之易地賴宵明與燭光顓季
嬪之嬋裔於是舒徐大野緩慢寬陸融爲結構聚爲
蹙縮因山之列雉晏晏當道之廢垣轟轟下能渴飲
窟之馬上則涎局轅之駒升若緣魚墜如擲狙如是
三涉降者各以三數百武計始周匝俛仰一眄睎乎
北口之隅方其未至于北口也山海經所爲大翻山
者巋然其上吾每杖策是山之脊而南望焉冥濛恂

恍薊都之曾城樓觀九市廬井繩野綬梵棋酒帘肆
皆可微茫點綴於放睫之一餉吾灑然晞髮於方零
之沆瀣遂揖次仲於躊躇四顧之墟而語之曰飛仙
之狡獪一至此乎將文字之墜地不在茲乎不然科
斗之廢久矣何爲自出新意爲隸爲古以強顏刻劃
人間世歟翁嘿不應吾□甫欲劬汗洽流其如沐道
倍進而長吁筐交王會之玉帛斛贄島颿之琲珠上
苑擷三時之新太官傾五方之腴輻湊西都軫邀瘡
衢我牧我輦我驪我輸勇躡其羸伎鑒其驢矧駟駟
與駱輜赫名閥其勳閭或主家其軒御或戚畹其纓

裾王頰閨妹憑軾而居蒼頭廬兒夾輪以趨繡襜曙
褰紋箔縛虛意氣橫陳光華與俱莫不矜長雄於盤
辟角馭黠於縈紆或迎躡而斂容或聆珂而避道聳
駢脅之驂乘逆揚聲之騶導或抵牾其轄而蹈藉或
扞格其鑣而蹉踣各會于環中之樞以捷其望外之
巧樓亭依于籀嶂候館跨其青岑亦有婉孌草花斜
簪往往牖秀琪餐國艷未識投梭佯忤對竈僞泣懶
鏡罷梳慵機悔織可以賦閑情於交臂可以寄遠意
於良覲吾乃今知野芳幽卉多生深谷僻壤曳袿搖
珥不必通都大邑折柳惜別匆匆柔柯料後夜之初

蟾效長顰之淺蛾少年弛轡而忘疲猥子委而媒
笑豈爾日之媼姪非往時之燕趙吾方抵牾以起縱
靶而征軒輊浮嵐婆娑片程俄而青天爲小白晝爲
杏平土爲迮涓流爲遶郭長鯨以爲郭縵脩蛇以爲
繚掩靄聞其陽陰蔽虧銜其昏曉或齟然而嚼或呀
然而吞或黢然而幽或煦然而溫洞毛竹而無孫溪
桃花而有源虎踞神臯鵬運溟海幽陵椅其蓋統幕
拊其背椅蓋則九州之內拊背則九州之外冠輿區
其如羃襟大河其如帶所以控制方輿尊安聖代父
老爲予言前此七八十年我太祖神武皇帝嘗以貔

貅百萬仰聞而臨之所爲汎掃萬國而无前掘斥八
極而无對者也善閉善鍵善扃善鐫彌縫无隙纖罅
必窒削丸泥之請封悼玉門之生入連肺屬腑固壘
堅壁百樓不改萬櫛爲密其間巨石箕踞林立狼戾
狠疾嫵媚俱失忿者角觝鬪者逆擊竅之嵌空枰漫
楸弈孰璫瓏之可狀疇斐淨之如拭頑顏格磔醜額
黧黑火淬水啣雪仆霰踣積大冶之鑄鐵深壤切之
灰墨肌罕豐融骨乏潤澤羈雌隕而虐羽潛豹蹶而
僵蹄狸妖塌於碯鑱牛鬼困於枵躋堞者爲防捍者
爲隄偃然而塘岍然而磯或蔓而幃亦薜而衣或窪

然而曰或介然而冑或森然而戟或井然而螯或龕
而浮屠或坡而宰堵或塊鏤而撐拄或室架而紉補
儘人情世故之機械匪天造地設之斤斧胷氛浩其
攘原攘字
旁注圓礫偏其莽莽均爲逆旅無論官賈一車

以南者釋然而暄妍一車以北者栗然而淒楚垢塞
色之受辛塏騎氣之旁午肩摩肱切髀齧齟投巖
靡措伺間無所轂拉軸而頓膺鞭裂韉而挾股束蛙
蝻之濡竇填牛羊之牧譜劇太行之迴車窘邯鄲之
故步探鼠蹊於羞澁問蝨隧於遲暮螳九曲而徒埳
蛛一綫而穿路得寸亦寸得尺亦尺褻促衿其莫舞

甲倒趾其誰剔偶暑孔之能移殆尺蠖之信詘輅牽
聯奚俟輓馭飄忽寧須叱然而小棘爛觴其攢刺翳
薈蒙茸其逼仄九軌焉往而通津千門何繇而廣陌
憫羊腸之跼蹐靳鉉足之搏幹壑谷爲隔岡阜爲阨
曷愚遷而丁鑿岡其折而靈擘喝者饋於五漿憊者
休於尺宅紛瓢榼之豪奪靡酸鹹之治擇蕭藜羹於
徹凍飯粟顆於未脫薪勃落於壞樵寢篝籠於熱簣
眠壚之脂黛糟粕業屨之妄庸糠粒招行人而瞬目
估唐肆而德色技愈下而愈貧錢日售而無獲袒褐
裸於木皮色取仁於杏核夫須其裳莞蘭其幘多懸